

續修贊皇縣志卷十九

忠義

陣亡員弁

嘉慶五年二月甘肅伏羌縣牛蹄灣陣亡

贊皇千總王百忍

行唐人

咸豐五年七月初二日湖北德安沙子岡打仗陣亡

野草灣汛外委郭采章

正定人

咸豐六年十二月河南歸德府陣亡

署王家坪汛把總武存誠

正定人

陣亡兵丁

嘉慶元年湖北陣亡

王存義

嘉慶十八年十一月十四日東明縣陣亡

楊永泰

咸豐四年五月初五日阜城縣陣亡

李海 郝成月

五月十九日山東冠縣陣亡

池 尙

五月二十一日山東高唐州陣亡

姚 勇

五月二十五日山東高唐州陣亡

王得勝

咸豐九年三月三十日安徽亳州陣亡

金 貴 周永城

咸豐十一年十一月十九日曲周縣馬灘橋陣亡

陳得才 劉 貞 常廣榮 王玉生 張得安 傷亡

以上俱贊皇人

咸豐七年三月三十日江蘇六合縣陣亡 補

安作新

馮

錦

字舍章布鼓莊人乙酉科拔貢家世業儒爲邑望族弱冠與遴選淡於榮祿不謀仕進廷試省試未赴也家居坐一室讀書親課諸弟姪足不及戶外有女適柏鄉進士魏公肇皋子肇皋者魏貞毅公之元孫授湖北蘄州牧時湖北方亂錦欲往視女人阻之不聽曰生死命也吾茲行豈爲視女正欲觀此么麼爲何物耳遂往竹山范大車蘄州守甥也亦往蘄省舅並携黃州守家人某約同舟渡某私謂范曰此地舟隻須檢點馮聞大笑曰如此狐疑尙可遠行乎毅然登舟某與范從抵中流某頻以目視馮不顧范覺之色慘變如土至岸舟子突出利刃呼哨間羣賊蜂集迫脅使從馮怒目裂眦日鼠輩敢爾耶吾少讀詩書知上下之分生爲皇帝民死爲皇帝鬼不似汝等叛主背恩也羣賊亦怒擁至巨寇前馮且行且罵見賊首摔之跪

日膝可斷不可跪也命之揖日臂可折不能揖也賊怒甚日吾送爾歸馮日歸將白爾於朝請兵以誅爾賊日吾將殺爾馮日魂歸將訴爾於上帝請討以殲爾遂擁至門外戕焉死之時詈不絕口范與黃守僕乘間逸出述其事甚詳

忠義補

金從府志
查出

趙輔之

贊皇人有膽氣天興末爲右都監死節

續修贊皇縣志卷二十

孝友

李儀

邑庠生山西河津縣知縣汝楫次子母楊氏生而兩足無力舉動需人儀八歲失怙長兄又亡隻身奉母日夜不怠雖家業蕭條而煖衣厚食數十年不懈伯父客死雲南遺有伯母二堂弟亦早亡儀奉之如其母堂弟所留四子為之延師教讀撫育一如其子居鄉和待人厚交友信其天性然也

張芳

字佩蘭父連茹文學士也芳早歲失怙教養俱成於母氏性至孝甘旨必親嘗而後進母病親侍湯藥不假手於人英年食餼以母衰老不忍遠離學雖優而公車僅二上焉

張毓麟

字仁瑞號怡山敬元孫貢生少有志性六歲失怙哀毀如成人稍長通經史爲文務去陳言咸以遠大期之性至孝不欲以科名疎定省食餼後捨舉子業家居奉兩母暇卽致力於臨池兼工繪事四方求書徵畫者日踵接於門邑西北有蒼岩山相距百里其神頗著靈應母病徒步往禱未返而母病愈其誠孝所感如此侍兩母數十年先後以壽終始出爲人排解遇事侃侃直陳不避嫌怨先是四川李公以名進士宰是邑聞其賢孝且博學延入署誨其子嗣是蒞茲土者莫不與之交歡而益厚自愛未嘗干以私卒年八十有五

張應辰

字殷弼增廣生貢生芳長子早歲失恃善事繼母曲得歡心執親喪盡禮盡哀生平好行其德闔邑無不推重捐館時雖婦孺亦爲流涕其至行感人如此

安輝

字燭天邑廩生內行敦篤事親極孝每受訶斥依然愉色婉容盡幾諫之道母有目疾朝夕常以舌舐其翳孺慕之誠無以復加事兄亦倍極友愛內介外和人皆敬而畏之為文博大精深有熊劉風格數奇屢舉不第年

僅四十餘而卒子步雲庠生

安得俊

字在位學純孫九品職銜自曾祖以下累世通顯得俊雖貴胄毫無純褲氣里黨咸器重之幼與兄弟友愛年十九其家析產自擇惡田數畝以膏腴讓兄若弟以兄讀書不能作苦弟幼不能經營故也至

今人猶傳誦云

安其生

字樂天邑廩生性行純樸才識敏達能文章工書法有聲庠序尤能孝事繼母父學聖以吳橋教諭致仕歸老而鯁居事之色養備至使得優游林下樂其餘年與兄弟析居亦能推多就寡

不作世俗計校皆
德行之可取者也

米粟

家貧母喪明扶持不離左右一日聞寇至遂負
母以逃藏窰內竟夕不敢寢及旦聞寇去乃負
母歸如是者數四
母克保全無恙

馮修

有孝行父死葬祭盡禮母病日夜不解帶臨廁
輒親嗅其糞以占其少差否至今人猶樂道其
孝焉

焦泳

字乙蓮居治東石家莊道光丁未 恩貢生沉
悟嗜古與人居裕如也性至孝侍繼母疾未嘗
寢私室居喪三年不忍聞歌
聲同治五年卒壽七十有六

孝友補

安 沛

字海涵庠生幼孤家貧事母以孝聞宗族鄉黨無閒言雖疏食菜羹必誠敬婉容以進母病奉

湯藥朝夕不離側母卒哀毀

滅性未除喪而歿人多惜之

安 潔

字琴堂九品銜性純孝居喪哀毀逾常情三年不見齒家中落廉隅自礪交接間不取人一介

安貧守道

有古人風

馮慎德

字先有恩貢生性情渾厚聰穎過人十五入邑庠敏而好學設館課讀戚友貧乏者不計修脯

督課殷勤且有食於其家者在鄉黨間嘗與人

言孝弟事人始遠之繼樂聞之鄉民咸知愛敬

嘉言善行師表人倫推食解衣猶其餘事卒年

七十四歲子騰勝入邑庠三子蕙精醫術孫文

夢文運

俱廩生

馮文夢

字饒芙號傅巖性至孝嗜學持躬端謹言笑不苟其父勝多病每藥必親嘗食必有餘見親不悅則跪爲解顏十入邑庠試列高等食廩餼家貧教讀誨人不倦常以眼到口到心到教學者課子兆祥有別無妙術能醫俗但有餘功便讀書之句以身示範攻苦朝夕不倦有壯志歌以自厲於鄉黨間敬老慈幼人尤薰德善良三十四歲卒人多惋惜之

續修贊皇縣志卷二十一

義行

張 磐

字平嵐敬元子少負異姿貢入成均讀書過目成誦為文援筆立就性豪邁喜揮霍不以科目為重有以急難告者傾囊助之無少吝好義之名遍傳遐邇中年放情詩酒多與名士往還而顧惜名節人尤樂親之邑侯錢公諱端御篆後不得歸寄眷於其家年餘供應不衰亦尚義之一斑

云

安受綱

家頗饒裕於貧苦親鄰每存溫恤鄉人有因財構訟者嘗輸已財以解之

栗建成

大河道村人親睦宗族和順鄉黨修蓋廟宇出為首事工程告竣為公而亡

袁 晟

字德明貢生世居回車村專尚樸實不喜浮華
訥於言而優於才縣有公務挺身獨任如助邑
侯錫公除社馬之弊以其錢歸書院經費其大
端也鄉鄰有爭競事每就為區處人皆服其公
明而

劉光顯

幼貧學賈中年小康樂善好施矜恤貧乏有焚
券一事嘉慶十八年連歲大饑為菜粥以食餓
者二年餘鄉里
得以保全甚眾

趙 宏

字廣大幼時家貧衣食頗艱窘壯歲躬親稼穡
戴星營作用漸饒而出入樽節里中稱素豐焉
初艱於嗣以甥李雲為嗣既娶側室生子女六
人怡然待甥有加禮甥之子明孫永咸為授室
延師開武館使承習弓矢子得功得榮並學焉
孫豐及擎遣使就傅加意撫恤文武俱得成立

後甥興土功掘南郊得白金數千鈞赤仄數百緡輦歸置私橐蓄牛羊權子母一時驟富宏知而不問曰命也甥旋以財饒又以宏似續無缺謀還本族公與之田宅厚遣之同居里中今李姓繁衍宏所與故宅尚在曾元輩每一話及感嘆不絕懷先德也

趙得功

字慶昌武生先世習耕鑿得功挽弓矢入邑庠始爲祖志道立石表墓家無譜系始糾合族人立族譜並繪祖宗像歲時展拜性慷慨無囁嚅語居間左排難解紛鄉人爭鬪者詢曲直厲聲責之莫不斂手退服終其身無獄訟

杜銘

字新三義士太璞公會孫諸生天性誠篤授徒於鄉飲食教誨不計修脯一遵家法日吾有所受之也咸豐四年粵賊報警人心惶惑羣思遷避與邑令謝公沿街勸諭團練鄉勇晝夜巡防

不辭勞瘁民始獲安次年完葺城垣復董其事
後因登城致有腿疾猶不少息其好義急公如
此

武煥文

字德華邑庠生陽澤村人也性沉毅能任事贊
邑舊有民壯數十名一經替換被累者多煥文
請於邑侯謝公去之又暗助方公擒獲強盜民
賴以安鄉里偶有爭端卽力爲排解人皆稱爲
有用之才卒年七十
葬之日送者如雲

劉觀德

字選賢道光乙巳恩科武進士性剛正不阿
嘗有人操百金來謁問其故則行干法律欲求
解免者卽屏去不顧其他行事亦多不苟惜未
登仕籍年僅四十而終鄉人至今猶思慕不置
云